



UNIVERSITÄTS-
BIBLIOTHEK
PADERBORN

Chronologia Christiana

Herbipoli, 1694

Sæculum V. Ab Anno 400. ad 500.

[urn:nbn:de:hbz:466:1-65495](https://nbn-resolving.org/urn:nbn:de:hbz:466:1-65495)

AB ANNO 300 AD 400.

67

insperguntur, ignis è cœlo exilit, terra jacta ab imo fundamenta excutit. * *Gallerij Maximiani* horrenda mors 311. * *Crispus & Fausta* pereunt, ille filius *Constantini* à *Fausta* Noverca fratris criminationibus implicitus, præcoce Sententiâ à Patre damnatur ad mortem, fraude autem compertâ ipsa quoque *Fausta* ardentibalneo perimitur. * Fames immanis sub *Valente*. 367. * Grando tantæ magnitudinis Constantinopoli decidit ut homines plurimos perimeret. * Apud *Atrebatas* lana pluvix mixta defluxit 371. *



SÆCULUM V.

AB ANNO 400: AD 500.

S. I. *Romani Pontifices.*

XLII. **S** INNOCENTIUS I. Albanensis Elect: A. 402. obiit Confess. A. 417. die. 28 Julij. Excommunicavit *Arcadium* Imp: & *Eudoxiam*, quòd *S. Chrysostomum* ex

D 2

pule-

pulerint, sed Pœnitentes recepit in Ecclesiam. Jejunium constituit in Sabbatho celebrari in memoriam Christi in sepulchro jacentis.

XLIII. S. ZOSIMUS Græcus Electus A. 417. obiit Confess. A. 418. die. 26. Decembr. hæres virtutum S. Basilij & brevi regimine suo perfunctus ad Coronam maturus Sanctitate migravit.

XLIV. S. BONIFACIUS I. Romanus Electus A. 418. obiit Confess. A. 423. die. 25. Octobr. Vir venerabilis, probitate morum æquè & doctrinâ insignis.

XLV. S. COELESTINUS I. Romanus Confess. obiit A. 432. die. 6. April. hunc Parentes prius Deo obtulerunt, quàm conciperetur, & à tenera ætate in Monasterio educaverunt. Constituit ut Psal. *Judica me Deus & discerne &c* diceretur ante introitum Missæ. Strenuè defendit unitatem personæ Christi, in duabus naturis in Concilio Ephes. contra *Nestorium*.

XLVI. S. SYXTUS III. Romanus Confess. Electus A. 440. obiit A. 240. die.

die. 28. Martij. Hic congregatâ, syno-
do purgavit se coram 57. Episcopis de
turpi crimine, quod illi *Bassus* coram
Augusto imposuerat, quem etiam uni-
versum Concilium illatæ injuriæ con-
demnavit, & Deinutu post tres men-
ses vitâ functum *Sixtus* ipse linteis in-
volvitur, conditumque in Ecclesia Petri
propriis manibus sepelivit. Romæ Ec-
clesiam *Maria Majoris* ædificavit &
altare trecentorum Pondo argenti ob-
tulit. Per gravissimam calumniam im-
pingitur huic Pontifici triplex volu-
men erroribus Pelagij refertû & evul-
gatum: Cum ipse Pelagianorum in-
fensissimus hostis fuerit.

XLVII. S. LEO I. Magnus Conf.
Ele&. A. 440. Obiit A. 461. die. 2. A-
pril. celebratum est sub hoc Conciliû
Chalcedonense contra *Eutychen* & *Di-
oscorum*, *Attila* Wandalorum Regi
Romam, cum exercitu ad rapinas &
cœdes anhelanti obvius, sistit furorem.
Genseric similiter occupatâ jam Ro-
mâ & cœde & flammis sævire vo-
lenti autoritate suâ & cœlesti eloquen-

tia frænum injicit, ut solâ rapina contentus (præcipuâ tamē Ecclesiâ ab exspoliatione immuni relictâ) excefferit.

XLVIII. S. HILARIUS ex Insula Sardinia Confess. Elect. A. 461. obiit A. 467. die. 10. Septembr *Anthemium* Imperatorem in Ecclesia S. Petri palâ elatâ voce jure jurando promittere cōpulit, quod nulla nova conventicula, quæ Macedoniani obtrudere conabantur Romæ permissurus esset.

XLIX. S. SIMPLICIUS aliis Sulpitius Tiburtinus Conf. Elect. A. 467. obiit A. 483. die. 2. Martij. Fortis pro Ecclesia adversus *Zenonem*, occultè Eutychianum. statuit, ut nullus Clericus investituram accipiat à Laico.

L. S. FELIX III. Presbyter Romanus, Proavus M. Gregorij. Electus A. 483. obiit A. 496. die. 22. Novembr: *Acacium* Chalcedonensis Concilij Proditorem strenuè infectatus est. Constituit ut Ecclesiæ ab Episcopis conferrentur certis ritibus, statuit ut accusato dentur induciæ quibus se ad respondendum præparare possit.

Alij

Alij qui Felicem I. vivente Liberio Pontificem factum in computo Pontificum omittunt, hunc in ordine XLIX. & Felicem II. Scribunt.

LI. S. GELASIUS I. Africanus Confess. Elect. A. 492. obiit A. 496. Concilium Episcoporum 70. Romæ celebravit, edidit decretum de Scripturis Sacris, Canonicis Libris, Conciliis ac Scriptoribus Ecclesiasticis. Sub eo primò *Canonici Regulares* in Laterano sub Regula *S. Augustini*, ad quorum exemplum & normā *S. Benedictus* paulò post Sanctissimum & Celeberrimum ordinem suum incoepit.

LII. ANASTASIUS II. Romanus Patre *Fortunato*. Electus A. 497. obiit A. 498. Pontifex quo ad omnia laudabilis; nisi quod videatur ergà *Acacianos* hæreticos benignior & familiarior, quàm Pastoralis cura permiserit.

LIII. S. SYMMACHUS Sardus. Confess: elect: A. 498. d. 19. Julij. obiit An. 514. Celeberrimus ab instauratis pretiosèque ornatis Ecclesiis. De eodem notat *Genebrardus* quod præbuerit subsidia in sustentationem 220.

Episcopis in *Sardiniam* exilio relegatis à *Trasimundo Rege Vandalorum*. Effecit idem ut *Manichæis* Româ expulsis illorum libri ac simulacra palam concremarentur.

§. 2. Romani Imperatores.

XLIX. VALENTINIANUS III.

Honorij filius, quem *Theodosius* Junior Orientis Imperator *Augustum* nominavit. Obijt autem *Theodosius* A. C. 449. Imp. 43. de Religione optimè meritis relicto Imperio sorori *Pulcheria*, quæ *Marciano* nupsit salvâ Virginitate. VALENTINIANUS verò per oppressionem Ecclesiæ ac lasciviam ad quam etiam magicas incantationes adhibuit, res ante præclare gestas deturpavit; Peremptus à fautoribus *Aëtij* A. 455. Imp. 30. SYMB: THEODOSII: *tempori parendum*. VALENT: SYMB: *Omnia mea mecum porto*.

L. MAXIMUS Ductâ uxore *Valentiniani Eudoxiâ* viduâ occupavit imperium, qui cum *Eudoxia* manifestâisset seipsum esse qui priorem perimen-

AB ANNO 400. ad 500. 53

mendum curaverit, illa *Gensericum* ex Africa ad ulciscendam necem evocavit, qui *Romam* populatus est, & *Maximum* fugavit: Quem Romani insecuti membratim discerpserunt, duobus mensibus post invasum Imperium, cui suffectus est *AVITUS*, qui se eodem mox abdicavit, utriq; autem superstes *MARCIANUS* multum profuit Ecclesie & obiit An. 457. Imper. 6. SYMB: *MARCIANI: Pax bello potior.*

LI. *LEO MAGNUS*, optabat ut Militum stipendia converterentur in Doctorum Salaria. SYMB: *Regis Clementia custos.* Imperavit laudatissime an. 18. moritur anno 474. reprehenditur à variis ob nimium favorem *Basilisco* Uxoris fratri & *Zenoni Isaurico* genero suo exhibitum, creavit Occidentis Imperatorem *Majorianum*, quem post 4. annos peremit *Severus*. Hunc autem *Ricimerus* post annos 5. sustulit, sicut & *Anthemium* à se intrusum post annos 6. eos secuti *Olybrius* Mens. 7. & *Glycerius* Anno 1. tenuerunt imperium.

LII. *ZENO ISAUERICUS* temulen-

D 5

tus

tus, effœminatus ac corruptissimis moribus vix mortuo *Leone* filio suo & Nepote *Leonis Magni*, quem ipse avus *Augustum* declaravit, Imperium sibi tanquam tutor & administrator usurpavit, & imperavit, annis 18. de quo Imperio illum dimovit *Basiliscus* frater *Verina* socrus A. 476, & in annum ac Menses nonnullos spoliavit, & cum uxore *Ariadna* apud *Isavros* fame ac squalore penè consumi fecit; sed cum *Basiliscus Zenone* nihil melior, imò deterior esset ab *Armato* Duce totoque exercitu ad *Zenonem* redeunte captus est, & in exilium à *Zenone* relegatus, Vixit *Zeno* sceptro resumpto usque ad A. 491. quo Epileptico morbo extinctus est. *SYMB: malo nodo malus cuneus;* Quod tunc intelligi debet, quando fraus fraude, dolus dolo repellitur. Ferunt *Zenonem* Epilepsiâ correptum, vel summâ ebrietate captum, veluti exanimatum jussu uxoris *Ariadna* sepulchro illatum esse, ibi cum postea sensum recepisset, frustra vociferatus, verè interiit. *Basiliscus* autem in exilio
 unâ

unâ eum liberis castello inclusus frigore & fame periit. SYMB: ejus: *Non nocet invidia.*

Obserua quod anno 474. *Julius nepos*, exauctorato, & in Clericum tonsus, factusq; *Episcopo Glycerio*, Occidentis imperium occupavit, sed non diu tenuit; nam ORESTES Militiæ Præfectus Imperatorem militiæ renuntiat suum filium *Momilium Augustulum*, Julio Nepote in Dalmatiam abactus: sed *Odoacer*, Nepotis Vindex, *Orestem & Augustulum* sustulit, & Occidentis Imperium extinxit, Italiam autem Regis titulo tenuit à *Theodor*: trucidatus A 493

LIII. ANASTASIUS Zenonis Successor Ecclesiæ plurimum adversatus obiit A. 518, Imp. 27. fulmine tactus. SYMB: *Mellitum venenum blanda oratio.* Scivit sub ovinâ pelle lupum astute tegere, alias nunquam Imper: acclamandus, verum ostendens illud Sap. 4. 3. *Spuria vitulamina non dabunt radices altas, nec stabile firmamentum collocabunt.*

S. 3. Concilia.

Millevitanum 402. Toletanum I. 405.
D 6 CUS

Carthaginense quadruplex. Ephesinū. Oec. pro unitate personæ in Christo contra *Nestorium* 431. Chalcedonense Oec. pro duabus naturis in Christo contra *Euticheten & Dioscorum* 451. Romana aliquot sub *Gelasio* pro fidei conserv. 494. in absoluteione *Miseni* pœnitentis 495. sub *Symmacho* 499.

§. 4. Schismata.

Eulalius Diaconus defuncto *Zozymo* Lateranensem Ecclesiam ingressus, Pontificis sedem occupat: gradu dejicitur à Clero legitime congregato, & *Bonifacium* Papam renuntiantem. Schisma *Antiochenum* post annos 168. extinctum. Semina Schismatis Constantinopolitanor: Præsulum primatum affectantiū jacta ab *Acacio* 472

§. 5. Propagationes Fidei.

Burgundia cum Rege *Gondefilo* per *Domitianum Geneva* Episcopum conversa. Franci denuo ac plenius cum *Clodovao*. Scoti denuo per *Palladium*. HIBERNIA per *S. Patritium*, Persa sub *Isdegerde*, Æthiopia sub Rege *Abra-*

Abrahamo. & Asba ejus fratre. *Saraceni* cum Rege *Alamundaro*, *Vindelici*, *Norici*, *Rugi*, ac vicini per *S. Severinum*.

§. 6. *Persecutiones Fidei.*

VAndali Ariani Ecclesiæ infesti præsertim *Geisericus* 455. *Perfæ* sub *Varane* & *Chosroe* Regibus. 408. & 42â. *Attila* Hunnorum Rex Christianas plerasque Provincias Flagellat. 450. *Passi* in Gallia. *S. Desiderius*. In Africa innumeri. de quibus *Victor Uticensis*.

§. 7. *Sanctitate Clari.*

S *Honoratus* 426. *S. Alexius* 450. *S. Germanus Alisidorensis Ep.* 435. *S. Pulcheria* & *Sorores Placilla, Marina, Arcadia.* 450. *S. Remigius* 471. *Ss. Simeon & Daniel Stylita.* 489 *S. Remigius* 480. *S. Genovesa* 484. *S. Patricius.* 491. *S. Clotildis* 499.

§. 8. *Hæretici.*

S *Ecundinus. Vigilantius. Pelagiani. Coelestius Fortunatus. Felix. Maximius Episcopus Arianus. Abeloitæ. Faustus. Avitus Origenista. Petilianus Conatista. Vitalis. Vincentius Victor. Theodorus Mopsuestiensis Ep. Diodorus Tarsensis Ep. Nestoriani. Pseudo Moyses Cretensis. Acephali. Semi Pelagiani. Eutyches*

ches Dioscorus Alexandria Ep: Timotheus. Pacificatores. Petrus Fullo. Xenaias. Prædestinati. Deuterius Arianus Ep. Angelitz.

§. 9. Initia Religiosor. Ord.

S Augustinus Canonicos Regulares ac Cænobitas instituit. *Ioan; Cas-
sianus* multorum Monachorum Insti-
tutor floret 404. Abbatia Lerineusis à
S. Honorato & sociis coli cæpta. *Aceme-
tarū* sive *Studiarū* Constantinop. erect.

§. 10. Initia Regn. & Princ.

R Oma capta per *Alericum* Gothum
410. Regni Gothorum in Hispani-
is initia 413. Franci per *Pharamundum*
420. Vandalici in Africa 427. Hunga-
rici per *Attilam* 442. Anglici 463. Ita-
lici in *Odoacre* 470. Armorici in *Riothi-
mo* 470. Ostrogothici per Italiam in
Theodorico victo *Odoacre* 493. Occi-
dentale Imperium in *Augustulo* 470. Romanum
Imperiū prorsus definit in Gallia per-
cussu *Sueff. Siagrio* 490.

§. 11. Instit. Sacror. Rituum.

P Arabolani iuvandis contactis pe-
ste. *

ite. * Reorum si convinci non possent
 & accusatorum juramentum ad sepul-
 chra Martyrum. * Cerei Paschalis be-
 nedictio singulis concessa parœciis. *
 salutatione Angelicæ additum: *San-
 cta Maria Mater Dei &c.* * Additum
 Symbolo fidei: à *Patre filioq;* proce-
 dit. * Triduum Rogationum decre-
 tum. * Trisagium cani cœptum * Pu-
 blica confessio abrogata. * Usus cere-
 orum in die Purificationis inductus. *

§. 12. *Nova reperta & Na- tales Urbium.*

Puncta à *Masorethis* excogitata
 470. Venetiæ meta *Attula* con-
 duntur 452.

§. 13. *Scriptores Sacri.*

D. *Augustinus. E. Cassianus S. Orosi-
 us D. Paulinus Nolanus. E. D. Isi-
 dorus Pelusiota. D. Cyrillus Alexandr;
 E. Theodoretus. E. D. Leo Magnus; P.
 D. Prosper. D. Eucharis. E. D. Sidonius
 E. D. Hilarius Arelat; E. D. Vincentius
 Liren; Salvianus. D. Chrysologus. E. Gen-
 nadius.*

nadius. *Faustus Rheg. E. S. D. Maximus E. D. Paschasius Diaconus.*

§. 14. *Naturalium Disciplinarum periti.*

M^{Ed:} *Maugantius. Matth. Diocles. Proclus Diadochus. Pappus. Alexandr. Theon. Alexandr. Eutocius Ascalonita. Ambrosius. Merlinus vates Anglorum. Philof. Colutus Thebanus. H. Eunapius Sardinus. Zozymus Comes R. Symachus. Sylvius Bonus. Godelbertus. P. Ausonius. Claudianus. Rutilius.*

§. 15. *Strategi & Prælia.*

S*tilico. * Radagaisus Gothus cum ducentis armatorum millibus ad Fesulas cæsus sub Honorio. Apud Arelatem, Theodoricus Hispanus cum Attila configit, ubi utrimque ad centum & octoginta millia mortalium unâ die cecidère. Attila ad Tolosam summâ clade affligitur. Aetius sub Valerian: III.*

§. 16. *Universitates & Scholæ Publicæ.*

B*ononiensis Universitas à Theodosio instituta. A. 432.*

§. 17.

§. 17. *Res Memorabiles*

A *Rodij* Imper: exercitu in præli-
um cum *Persis* descendente Cru-
ces in militum vestimentis apparuere,
undè occasionem hausit obtentâ vi-
ctoriâ nummos cudendi cruce infig-
nitos. * *S. Stephani* Proto-Martyris re-
liquiæ inventæ per revelationem. *
Nocturnæ vigiliæ ad sepulchra Mar-
tyrum à *Bonifacio I* sublatæ retento je-
junio. * Codex *Theodos:* editus & pro-
mulgatus 435. * *S. Barnabæ* Apostoli
reliquiæ divinitus inventæ unâ cum
Evangelio *S. Matthæi* manu exarato. *
Gargani Montis Crypta in *Apulia* de-
tegitur ob apparitionem *S. Michaëlis*
Archangeli celeberrima A. 493. * Am-
pulla olei de cælo per *Columbam* su-
pra *Regem Galliæ Clodoveum* ad illum
inungendum allata. * *Attila* *Trecas*
eversurus erat, sed orante *S. Lupo* Epi-
scopo mediam pertransit urbem cum
exercitu excæcato ipse quoq; cæcatus
nullo mortalium viso, læsove. * A. 446
Oriente toto per sex menses terræ mo-
tibus

tibus quaffato *Theodosius* Imper: *Prochus* Patriarcha, omnisque populus in aperto degens campo supplicabat, contigit in ipsa supplicatione puerum sublimè rari, audireque ab Angelis concini Trisagium illud: *Sanctus Deus, Sanctus fortis, Sanctus & Immortalis miserere nobis*, hoc demissus puer docet Imper: Patriarcham, & adstantes, ac moritur. *Prochus* & Imper: id ubiq; cani jubent, cessatq; terra succussari.

§. 18. *Eventus Tragici.*

Cometa ad terram usq; pertingens* *Tolosa*, die integrâ Sanguis rivo largissimo profluxit. * Universi orbis opes à Vandalis direptæ, furente mari absorptæ 455. * Ignis maxima eruptio è Vesuvio 471. * Conflagrat Bibliotheca Constantinopolitana continens librorum millia centenà vicena. 476. * *Gainas* evertitur 400. * *Maximus* Imperator lapidibus obrutus & discerptus 455. * *Zeno* Imperator vivus sepultus 491.

SÆCU-